

նկատեսցես փարթամութեան առնու Վարձեալ զկնի սակաւ ամաց անցելոց ի վերայ այսր ամենայնի Հուսէին անուն ոմն խան Շամախու՝ կրկին ըմբռնեաց զսոսա երկուսին եղբարսն հրամանաւ շահին և զլխատեաց, և ապա ի ձեռն առեալ զերեսին որդիս նորա՝ զոր Փէլքար, Իբրահիմ, և Ղասուժ ասէին, և յոյժ չարչարանօք և խոշտանկանօք ետ հանել և զմնացորդս ընչիցն, զոր ասէին Իեֆթ թուժան. այսքան եւս այժմս առին և թողին զնոսա:

Ապա Փէլքար անուանեալն զնաց առ շահն և առեալ զմէլիքութիւն եկն ի տեղի իւր, և վարէր ըստ հայրենի սովորութեան, որ և զկնի չորից ամաց միւս եւս Հիւսէին անուն խան Շամախու ետ գլխատել զՓէլքարն ի տան իւրում, և ապա զտունն, զկանայս և զորդիս և զամենայն ինչսն իբրեւ ի գերութիւն վարեալ ածեն ի Շամախի. զկնի որոյ զննեալ և որոնեալ զամենայն զոր ինչ և ունէր, զայն եւս առին և արարին արքունիս, որ և զհամար ընչից սորին եւս ասացին զոյ աւելի քան Իֆթ թուժան, բայց եղբարք սորին Իբրահիմն և Ղասուժն փախստեալ զնացին առ Ալի սուլտանն վերոյիշեալ, և անտի անցին յայն կողմն լերինն՝ առ մեծամեծսն ազգացն այնոցիկ Լազկեաց. զի որպէս ասեն երկու կրօնս ունել մահմէտականաց՝ ոմանք շիալք կոչն՝ որ են պարսիկք և զզըլպաշք, և ոմանք սունիք ասեն՝ որ են Օսմանցիք. և այս լեռնականք, և Աղուան ազգն Ղանտահարու, և Օզպէկք, և Պուխարացիք, և Արաբացիք, և այլ յոլովք որք ընդ տիեզերական կրօնիւք այս և վասն այն զնացին սոքա առ Լազկիսն, վասն զի ընդ նոսա միակրօնք էին, և ասեն թէ բսկոտն, և բացագլուխ շրջեցան ի դրունս նոցա վասն նախատանաց իւրեանց, զոր կրեցին ի ձեռաց շիալիցն. քանզի այսպէս է սովորութիւն տեղւոյն. եւ այսպէս շրջելն նոցա ի նախանձ դրդեաց զնուսա, և չարացան քան զգազան կատաղի, և յոյժ ամօթ համարեցան ինքեանց այնպէս լինելն նոցա, և ձայն տուեալ միմեանց միարանեցան և խրախուսեալ ժողովեցան ի մի վայր բիւրք բիւրուց, և հազարք հազարաց, քանզի միշտ լսէին ասպատակ յայսմ կողման եղելոց Լազկեացն, զոր նախ յիշեցաք, և նոքա եւս խորհեալ էին զալ և խառնիլ ի սոսա, որպէս և անցեալ ամին Սուրխայ անուն զլխաւոր նոցա եկն մինչեւ ի Ղրացտուն, անցեալ ի